



Bab : Quran / Hadeesh / Dusre Uloom

Fasl : Tableeg

Sawal No : 96

Upload Date : 30-12-2023

Topic : "Ramzan Ka Mahina, Shabe Qadr Ki Raat, Kaba Jesi Jagah Se Behtar Allah Ke Raaste Me Niklna" Ki Tahqeeq

Sawal : Tabligi Jamat Me Ek Hadees Bayan Ki Jaati Hai "Agar Kisi Sakhs Ko Ramzan Ka Mahina Mil Jaaye, Shabe Kadar Ki Raat Mil Jaaye, Aur Baitullah (Kaba) Jesi Jagah Mil Jaaye, Us Se Behtar Hai, Allah Ke Raaste Me Todi Der Ka Nikal Jaana" Kya Ye Baat Sahi Hai ?

Jawab : Is Tarah Ki Hadees Kabhi Nazar Se Guzri Nahi Hai. (Online Darul Ifta Deoband:604338)

■ **Dawat O Tableeg Ka Kaam Bohot Si Fazilato Ka Haamil Hai, Aur Us Ke Faza'il Sahih Hadees Se Saabit Hai, Ya Kam Az Kam Aisi Hadees Se Saabit Hai, Ke Jo Faza'il Ke Baab Me Qabul Ki Ja Sakti Ho, Is Liye Aisi Riwayat Ke Bayan Se Bachna Chahiye, Jo Sabit Na Ho.**

■ **Balke Hadees Ka Muamla Itna Nazuk Hai, Ke Sahih Hadees Par Bhi Pukhtagi Na Ho, To Aisi Hadees Ya Us Ki Tashree Karne Me Bhi Ehtiyat Karni Chahiye, Ke Thode Se Farq Se Ya Kami Baishi Se Huzur Sallallahu Alaihi Wasallam Ki Taraf Galat Nisbat Ho Jayegi.**

■ **Aur Huzur Sallallahu Alaihi Wasallam Ki Taraf Nisbat Kar Ke Kuch Aisi Baat Kehna, Ke Jo Huzur Sallallahu Alaihi Wasallam Ne Irshad Nahi Farmaai Ho, To Aise Shaksh Ke Liye Sakht Wa'eed Aai Hai, Ke Aisa Shaksh Jahannam Me Apna Thikana Bana Lewe. Fakt - Allah Ta'ala Sabse Zyada Janne Wale Hai.**

Ye Jawab Darul Ifta Wal Irshad, Shahpore, Surat Ki Official Website
www.suratifta.com Se Download Kiya Huwa Hai.



© Copyright 2023 DARUL IFTA WAL IRSHAD
Development By : IBNE ASIF GRAPHICS & DIGITAL PARTNER